

## BORRADOR DEL MANIFIESTU DEL 12 XINERU.

Ayeri cumplieronse dos meses de la muerte'n Madrí de Carlos Palomino, militante antifacista.

Carlos nun morrió nun actu de violencia fortuitu; nun se trató d'un fechu puntuable nin d'un alcuentru ente bandes xuveniles con un desenllace tráxicu, como dellos medios de comunicación recalcaron hasta la fartura.

Carlos fue asesinau...porque escoyo'l camín; porque, a los sos 16 años, fadiaba'l facismu; porque, individual y coleutivamente, opunxose a la ultradreja que, el 11 de payares de 2007, convocada por Democracia Nacional, llamó al odiu en Madrí escontra les persones estranxeres, aquellos que nun son blanques, y qu'aporten al Estau español afalaes pola necesidá que, en munchos casos, xenera los intereses occidentales nos sos países d'orixe.

Carlos, a los sos 16 años, opunxose a un actu d'apoloxía del racismu al que, col so aprobamientu, col so asenso, sumose la delegada de gobiernu de Madrí, Soledad Mestre, a quien dende la Coordinadora Antifacista d'Asturies ponemos al cargu de lo asocedíu en Madrí el pasau 11 payares.

Nun ya de la muerte y los dos meses de la falta de Carlos....tamién del intentu d'asesinatu d'Alejandro Martín, mancau de gravedá pol presuntu asesín de Carlos, militar de profesión y nazi de vocación; y tamién de la postrera criminalización de les y los manifestantes antifacistes, cuando los criminales, por aición y omisión, son otros.

Ye sinificativu sentir a les fuercies policiales, a los partios políticos y a los sos voceros acríticos, los medios de comunicación, informar d'una ultradreja ensin aparente peligru social, marxinal y desorganizada, cuando l'asesinatu de Carlos inxeríase nel marcu d'una concentración organizada de la ultradreja española. La mesma ultradreja a la que cualalquier usuariu d'internet pué seguir los sos pasos: los sos actos, los sos conciertos, les sos conseñes y amenaces.

La mesma ultradreja que, organizada, el 10 de setiembre de 2005 fió a sos deleres equí n'Asturies, en Cangues d'Onís, y tamién como hai dos meses en Madrí, col preste de la Delegación del Gobiernu, el señor Trevín; cola cuidanza de les fuercies de seguridad del estau,

naquel casu, de la Guardia Civil y del aparatu xudicial. Ésti, a peticións del actual gobiernu del PSOE y más de dos años depués de los fechos, caltién a 22 persones imputaes por amosar la so refuga a lo que, llanamente, yera un actu racista de Democracia Nacional que pretendía llexitimase alredu d'un arcaicu y erráticu entender franquista de la Hestoria.

Dende la Coordinadora Antifacista d'Asturies, queremos, con esta xornada, caltener vivu l'alcordanza de Carlos. D'ehí l'actu d'hai unes hores, el de recuperar el mural na so memoria, fecho'l 17-P y que los servicios municipales de llimpieza esborriaron a los seyes díes, anque nun amuesen les mesmes prieses por llimpiar les esvástiques y llemes facistes qu'adornen les paredes de les nueses ciudaes.

Tamién queremos solidarizanos, al travies la demanda d'unos fechos silenciosos, y mediante el sofitu llegal y económicu, coles persones imputaes en Cangues d'Onís, cuyu únicu delitu fue oponese cola so presencia'l actu de Democracia Nacional; en definitiva, oponese al racismu y al fascismu.

Si se pué, si se ha falar de víctimes en Cangues d'Onís, elles son los 22 imputaos y imputaes, víctimes nun sólo de la ultraderecha qu'asesinó a Carlos, sinon tamién de les conductes facistes que calistren la práutica xudicial, el marcu políticu y les fuerces de seguranza/represión del Estau Español.

La Coordinadora antifacista d'Asturies quier facer un llamau a toes les instituciones, coleutivos, ciudadanos y ciudadanos, cola fin d'afogar, aislar social, económica y políticamente a la ultraderecha: a les sos sigles, a les sos miembros y a toos aquellos y aquelles que sofiten coles sos conductes les idees racistes, xenófobes y facistes, que DN y otros partidos defenden y propugnen.

iiii ....!!!!